



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XV. Gregorii Papae I. Ad Balbinvm Episcopvm Rosellanvm.
Populonensen ecclesiam visitationis gratia commendat.

urn:nbn:de:hbz:466:1-15221

EPISTOLA XV.

GREGORII PAPÆ I.

AD BALBINVM EPISCOPVM ROSELLANVM.

Populonensem ecclesiam visitationis gratia commendat.

Gregorius Balbino episcopo Rosellano.

PERVENIT ad nos, quod Populonensis ecclesia ita sit sacerdotis officio destituta, ut nec pœnitentia decedentibus ibidem, nec baptisma possit præstari infantibus. Huius igitur tam piæ rei, tamque necessariæ mole permoti, iubemus dilectioni tuæ, ut huius præceptionis auctoritate commonitus, memoratæ ecclesiæ visitator accedas, ut vnum cardinalem illic presbyterum, & duos debeas diacones ordinare. In parochiis vero præfatæ ecclesiæ tres similiter presbyteros, quos tamen dignos ad tale officium veneratione vitæ & morum gravitate prævideris, & quibus in nullo obuiant constituta canonica disciplina, ut sanctæ cum digna cautela provideatur ecclesiæ.

EPISTOLA XVI.

GREGORII PAPÆ I.

AD SEVERVM EPISCOPVM AQUILEIENSEM.

Præcipit Romam ob fidei causam venire.

Gregorius Severo episcopo Aquileiensi.

Ioan. diac.
lib. 4. cap.
38. & libro
2. cap. 50.
Paul diac.
libro 3. cap.
12. de gestis
Long.

SICUT gradientem per devia, carpentem denuo rectum stramitem, tota Dominus auiditate complectitur: ita demum de deferente cognitam veritatis viam maiore mœrore, quam gaudio, quo de conuertente lætatus fuerat, contristatur: quia minoris excessus est veritatem non cognoscere, quam in eadem cognita non manere. Aliudque est quod aberrante committitur, aliud quod per scientiam perpetratur. Et nos si quidem quantum incorporatum te iam pridem fuisse in vnitatem ecclesiæ gauisi fueramus, abundantius nunc dissociatum a catholica societate confundimur. Pro qua re imminente latore præsentium, iuxta Christianissimi & serenissimi rerum Domini iussu, ad beati Petri apostoli limina, cum tuis sequacibus,